

Boðaðar breytingar á fyrirkomulagi

Málsaðili : Heilbrigðisstofnun Suðurlands
Tengiliður :
Dagsetning : 08.01.2019
Númer : 1901019
Flokkur : 03.10 Almenn t efni um heilsugæslu og sjúkrahús

Efni :

Boðaðar eru breytingar á vaktafyrirkomulagi sjúkraflutninga í Rangárþingi frá og með 1. febrúar 2019. Sveitarstjóri hafði samband við forstjóra HSU og óskaði þann 31/12/2018 eftir fundi til að fara yfir málið. Forstjóri og framkvæmdastjóri komu til fundar við sveitarstjóra á Hellu þann 3 janúar 2019. Á þeim fundi kom fram að breytingin er sú að frá 1. febrúar 2019 þá verði settar inn bakvaktir á nóttunni, frá klukkan sjö á kvöldin til klukkan sjö á morgnanna, í stað staðbundinna vakta í Rangárþingi.

Í tölvuskeyti frá forstjóra HSU til sveitarstjóra þann 31/12/2018 kom fram að staða sjúkraflutningamála á Suðurlandi væri þessi:

- Föstum stöðugildum sjúkraflutningamanna á Suðurlandi hefur fjölgað um 7 stöður frá 2015/16 og er aukning mest um 11 til 13 manns á sumrin.
- Engum fastráðnum sjúkraflutningamönnum er sagt upp störfum.
- Fækkun er í hópi lausráðinna sjúkraflutningamanna til að stilla af kostnað sem fór 70 millj. kr. fram úr heimildum líðandi árs.
- Við viljum endurskoða vaktarfyrirkomulag út frá tíðni og dreifingu útkalla, en nú í dag er sama grunn mönnun óháð tíðni útkalla. Viljum við skoða möguleika á bakvöktum fyrir einn bíl af þremur í stað staðarvakta, þegar álagið er minnst, og erum með það í vinnslu núna.

Skv. upplýsingum frá Vilhjálmi Árnasyni alþingismanni sem þekkir til ákvarðanatöku varðandi fjármögnun sjúkraflutninga í Rangárþingi þá fékk verkefnið fulla fjármögnun á fjárlögum 2018 til sólarhringsvaktar vegna aukinna verkefna.

Á fundi með forstjóra HSU þann 3/1 sl kom fram að áhugi er hjá HSU að kosta þjálfun á fólki heima fyrir til að sinna þessari bakvakt. Spurning er engu að síður hvort nægileg færni náist hjá fólki sem sinnir bakvöktum í aukastarfi en starfar ekki við sjúkraflutninga að öllu jöfnu.

Óskað hefur verið eftir fundi fulltrúa HSU með fulltrúum sveitarstjórnar Rangárþings ytra sem fyrst og hefur 14 janúar verið í sigtinu. Yrðu þá rædd þessi sjúkraflutningamál og fleiri mál sem tengjast heilsugæslu í Rangárþingi.